



## **Universitätsbibliothek Paderborn**

**Francisci Toleti S. R. E. Cardinalis Svmma Casvvm  
Conscientiæ, Sive De Instrvctione Sacerdotvm Lib. VII**

**Toledo, Francisco de**

**Coloniæ Agrippinæ**

16. De sponsalibus, quæ dicantur sponsalia, & quibus modis contrahantur.

**urn:nbn:de:hbz:466:1-40916**

ne tam graui, nisi obligaret sub mortali. Vnde cum sciens quis contrahit, & absque dispensatione, quam Episcopus potest dare, vix a peccato mortali excusarem, quamvis non constanter affirmem.

*De Sponsalibus: quae dicantur sponsalia, & quibus modis contrahantur.*

### C A P V T XVI.

**S**pousalia sic posse describi videntur, *promissio mutua futuri matrimonij, signo sensibili expressa.* In qua descriptione tria sunt partes.

Prima est, *promissio futuri matrimonij:* non enim sponsalia sunt matrimonia; nec enim sunt per consensum & verba praesenti, sed de futuro.

Secunda pars est, *mutua:* debet enim esse ex uterque parte, puta, viri, & foeminae promissio: cum enim unus tantum promittit, tenetur quidem ratione promissionis, servare quod promisit, tamen non sunt sponsalia: debet enim in unum alter alteri promittere; ob id, in plurali dicantur sponsalia.

Tertia pars est, *signo sensibili expressa:* hoc enim in matrimonio & sponsalibus necessarium est; vt consensus & promissio signo aliquo sensibili, verbo, nuto, aut alio modo significatur; vt, si duo inuicem sibi promitterent, tamen esset interior tantum promissio, tunc uterque obligaretur servare promissum; tamen non dicerentur sponsalia, nisi promissiones exterioris innorescerent ipsis. Ex his duo sequuntur.

Vnum est, cum sponsalia sint promissiones quædam contrahentium, & promissio sit actus rationis, non sunt sponsalia, nisi inter habentes usum rationis. Vnde canones determinarunt, vt ante septennium non essent valida sponsalia, a primico, de desponsat. impub. in 6.

Alterum est, cum sponsalia sint promissiones matrimonii, sequitur, vt in omnibus casibus seu impedimentis, in quibus matrimonium non potest fieri, etiam sponsalia nulla sint: non enim promissio eorum, quæ fieri non possunt, aut licet fieri non possunt, efficaciam habet. Per hanc notam est, quæ dicantur sponsalia.

Nunc

Nunc de modis, quibus contrahantur agendum est. Hi autem sunt quatuor.

Primus, per simplicem & absolutam promissionem: absolutam, id est, sine conditione; simplicem vero, id est sine aliquo alio onere augente obligationem; ut, cum quis dicit, ego ducam te vxorem, altera autem, ego nubam tibi.

Altero modo, per absolutam promissionem, sed aliquo onere accidente, puta iuramento, donatione annuli, aut alicius arrae.

Tertio modo, per promissionem conditionatam. Et possunt esse quatuor genera conditionum, de quibus dicenda sunt propositus eadem omnia, quae diximus de matrimonio conditionato: ob id non est opus repetere.

Quarto modo sunt per virtualem promissionem. In cuius gratiam nota, ex uno de despontat. impuber. in 6. cum duo impuberes, vel unus impubes contrahunt de praesenti, tunc non censetur matrimonium, sed sponsalia: non enim vult Ecclesia illum consensum admittere, nisi tamquam de futuro, unde aequialet promissioni. Anni vero pubertatis in foemina sunt duodecim, in masculo quatuordecim, ante quos non est matrimonium, sed sponsalia, modo iuxta Concilium Tridentinum, nisi talis consensus de praesenti sit cum testibus, & Parocho, ut dictum est, nullius est efficacie, nec aequialet sponsalibus: cum tamen ista sunt, procedit Canon antiquus.

#### *De differentijs sponsalium, & matrimonij.*

#### C A P V T XVII.

**P**raeter dictas differentias sunt tres inter sponsalia & matrimonium.

Prima est iuxta Concil. Trident. sess. 24. c. 1. matrimonia clandestina, quae non sunt ante duos aut tres testes cum Parocho, nullam habent efficaciam: at vero per hoc caput non nullantur sponsalia clandestina, sed sunt valida, licet careant testibus & Parocho, quamvis prohibita sint cap. cum inhibitione, de clandest. desponta. ubi olim inhibebantur matrimonia clandestina, & ibi Panorm. intelligenda esse dicit sponsalia; tamen non nullabantur, modo nullantur. In qua re unum est multum norandum, olim in iure antiquo, vt

habe-